

Gid pou Rekouvreman Dèt

Haitian Creole

Dènnye Enfòmasyon

Chanjman sa a gen ladan nouvo enfòmasyon ou ta dwe konnen lè w ap kominike avèk ajan rekouvremant dèt.

1. Nan New York, yon ajan rekouvremant dèt pa kapab fè rekouvremant oswa tantativ pou fè rekouvremant yon lajan ou prete sou salè ou.

Prè sou salè se prè ki ilegal nan New York. Yon prè sou salè se yon prè avèk gwo enterè yo prete ou sou chèk peman ou pral touche. Pou aplike pou yon prè sou salè ou, ou bezwen gen yon kont kouran ak dokiman ki pwouve ou gen yon revni. Nan Eta New York, yo bay pi fò prè sou salè yo nan telefòn oswa nan Entènèt. Si yon ajans rekouvremant eseye fè rekouvremant yon prè sou salè, ale sou Entènèt nan sit wèb visit nyc.gov/dca, oswa rele **311** pou pote yon plent nan DCA.

2. Pran prekosyon avèk konpayi rekouvremant dèt yo oswa avèk konpayi k ap travay avèk konpayi rekouvremant dèt ki ofri ou yon kat kredi si ou ranbouse, yon pati oswa tout, yon ansyen dèt ki te ka ekspire deja.

Konpayi yo ka itilize tèm tankou “Fresh Start Program” (Pwogram Kòmansman Tounèf) oswa “Balance Transfer Program” (Pwogram Transfè Balans) pou dekri sa y ap ofri ou a pou transfere ansyen dèt sou yon nouvo kat kredi apre ou fè yon sèten kantite peman. *Si ou aksepte kat kredi yo ofri ou a, epi si ou kòmanse fè peman yo, limit ajans rekouvremant dèt la (dèl pou pran aksyon) pou trennen ou lajistis pou fè rekouvremant dèt sa a ap rekòmanse.* Konpayi ki ofri ou kat kredi a ka pa di ou si sa se yon konsekans k ap genyen poutèt ou jwenn kat kredi a. Gade seksyon **Kisa Ou Ta Dwe Fè Lè yon Ajans Rekouvremant Dèt Kontakte Ou?** pou jwenn enfòmasyon sou dèl pou pran aksyon.

3. Li ilegal pou ajans rekouvremant dèt itilize yon “fo idantifikasyon non” pou rele ou.

Kèk ajans rekouvremant dèt itilize nimewo telefòn mètdam (ki fo) pou kache idantite yo nan idantifikasyon non yo. Pa egzanp, yon ajan rekouvremant ka itilize nimewo yon manm fanmi li oswa nimewo yon ajans gouvènman pou fè ou reponn telefòn nan. Si ou resevwa yon koutfil “mètdam” yon ajans rekouvremant dèt, ale sou Entènèt nan sit wèb nyc.gov/dca, oswa rele **311** pou fè yon plent nan DCA.

Pou jwenn dènnye enfòmasyon yo, tanpri ale sou Entènèt nan sit wèb nyc.gov/dca, epi chèche “debt collectors” (ajan rekouvremant).

Entwodiksyon

Lalwa Pwoteksyon Konsomatè Vil Nouyòk ofri pwoteksyon anti-asèlman ki pi fò nan peyi a lè li konsène rekouvremant dèt. Avèk pasaj Lwa Lokal 15 ane 2009 la, moun k ap viv nan vil la te menm vin gen plis pwoteksyon lè ajan rekouvremant yo kontakte yo. Nouvo lwa a te og-mante tou otorite ki bay lisans ak otorite kontwòl Depatman Afè Konsomatè (DCA) pou ajoute biznis “achte dèt” ki achte dèt ki anreta, epi answit k ap eseye reklame lajan pafwa lè yo mennen konsomatè yo nan tribinal.

Nan dènye ane yo, ajans rekouvremant yo te reprezante kategori #1 nan plent pou DCA. Menmsi DCA kapab fè negosye anpil plent nou resevwa yo, nou pa kapab negosye pwoblèm ki gen pou wè ak jijman lajan ak kont labank ki bloke. **Tanpri al gade kaz ki make Enfòmasyon Enpòtan konsènan Lajan ki Pa Kapab Pran pou Peye Jijman annapre nan gid sa a.**

DCA te fè mizajou nan gid sa a pou ajoute nouvo enfòmasyon enpòtan konsènan dwa ou ak responsablite ajan rekouvremant yo lè y ap chèche touche lajan. Lè ou konnen dwa ou sa reprezante pi gwo pwoteksyon ou. Asire ajan rekouvremant yo konnen ou konnen dwa ou.

Lwa pou Gen Lisans

Tout ajans rekouvremant k ap chèche touche lajan dèt pèsonèl oswa lajan dèt sou kay nan men moun k ap viv nan Vil Nouyòk dwe gen yon lisans DCA kèlkeswa kote ajans lan gen adrès li. Kreyansye yo souvan itilize ajans rekouvremant yo pou ede yo touche lajan dèt ki anreta. Yon “kreyansye” se yon moun oswa yon biznis ki te ofri yon sèvis oswa yon kredi orijinal epi ki lakòz ou dwe li lajan. Pa egzanp, konpayi kat kredi yo ak konpayi telefòn selilè yo se kreyansye. Pafwa, kreyansye yo vann dèt la ba yon twazyèm pati ki rele yon achte dèt. Kèlkeswa si ajans rekouvremant an ap travay pou yon kreyansye oswa pou tèt li kòm achte dèt, li swe gen yon lisans DCA, epitou li dwe respekte tout lwa oswa amann pou risk, sanksyon oswa sispansyon oswa pèt lisans li.

NÒT: Ajan rekouvremant ki touche peman lajan sipò timoun dwe gen lisans epitou yo dwe konfòme yo avèk egzijans espesyal. Pou konnen egzijans ki genyen pou jwenn yon lisans Ajans Rekouvremant Dèt, ale sou sit wèb DCA nan nyc.gov/dca.

Eksepsyon nan Lwa pou Gen Lisans

Lwa a pa aplike pou aktivite rekouvreman dèt	Pou jwenn plis enfòmasyon, oswa pou pote yon plent konsènan aktivite sa yo, kontakte:
Kreyansye yo	Ajans Gouvènman enpòtan
Òganizasyon non-komèsyal ki ofri konsèy sou kredi	The relevant government agency
Nonprofit credit counseling organizations	Depatman Operasyon Bankè Eta Nouyòk: 1-877-226-5697
Sèvis piblik ki anba kontwòl Komisyon Sèvis Piblik	Komisyon Sèvis Piblik Eta Nouyòk: 1-800-342-3355 Nòt: Komisyon Sèvis Piblik Eta Nouyòk pa aksepte plent Long Island Power Authority (LIPA).

Kisa Ou Ta Dwe Fè Lè yon Ajans Rekouvreman Dèt Kontakte Ou?

Lè yon ajan rekouvreman dèt kontakte ou pou premye fwa, anjeneral, sa fèt sou fòm yon **lèt asèlman** (lèt rekouvreman) oswa yon apèl nan telefòn. Pa janm meprize yon ajan rekouvreman dèt, menmsi ou pa rekonèt dèt la. DCA ofri yon lis pou ede ou pwoteje dwa ou:

- Cheke si ajans rekouvreman dèt la gen lisans.** Ajans rekouvreman dèt yo dwe mete nimewo lisans DCA yo nan tout lèt yo voye ba ou. Pou verifye si ajans rekouvreman dèt gen lisans, rele 311 (212-NEW-YORK deyò Vil Nouyòk) oswa fè rechèch nan Tchèk Lisans Imedyat, ki disponib nan sit wèb nyc.gov/dca.
- Tcheke si ajans rekouvreman dèt te bay enfòmasyon ki nesèsè yo.** Dapre lalwa, ajans rekouvreman dèt yo dwe bay enfòmasyon sa yo nan tout kominikasyon y ap fè avèk ou:
 - non ajans rekouvreman dèt la
 - non kreyansye orijinal la
 - kantite lajan dèt la
 - yon nimewo pou retounen apèl nan yon telefòn yon vrè moun reponn ak non moun nan. Si apèl ou ale nan liy telefòn prensipal ajans lan, vrè moun ki kalifye pou reponn kesyon ou yo dwe reponn apèl la nan 60 segonn.

- Asire ajan rekouvreman an voye validasyon dèt la ba ou sitou si premye tantativ rekouvreman dèt la fèt nan telefòn.**

Validasyon an dwe gen ladan:

- non kreyansye orijinal la
- kantite lajan dèt la
- enfòmasyon sou dwa ou genyen pou diskite sou dèt la

Ajans rekouvreman dèt la dwe voye validasyon an ba ou nan senk (5) jou ki vini apre lè li kontakte ou.

- Toujou mande ajan rekouvreman an pou li voye yon verifikasyon ekri dèt orijinal la b ou menmsi ou rekonèt dèt la.**

Verifikasyon an dwe gen ladan:

- yon dokiman kreyansye orijinal la ki montre ou te achte epi ou dwe dèt la
- yon kopi etadkont final kreyansye orijinal la AK yon dokiman ki endike:
 - » montan total prensipal lajan ou dwe a (Manman lajan an ka swa montan orijinal ou te prete a OSWA pati montan ou prete ki rete san peye a mwens nenpòt frè sipleman tè oswa frè.)
 - » chak frè sipleman tè adisyonèl oswa frè ou dwe ki endike apa:
 - * total pou chak frè sipleman tè oswa frè ak dat yo te ajoute y chak
 - * deskripsyon rezon ki fè ou dwe peye frè sipleman tè oswa frè adisyonèl la

Depi ou mande verifikasyon, yon ajans rekouvreman dèt pa ka kontakte ou pou touche lajan dèt jouk lè ou li voye verifikasyon an ba ou. Pa pran presyon pou fè nenpòt peman jouk lè ou resevwa verifikasyon dèt orijinal la.

- Konfime si ou dwe dèt la.** Kimoun ki kreyansye orijinal la? Èske ou sonje ou te achte yon pwodui oswa yon sèvis nan biznis sa a? Èske montan lajan dèt la kòrèk? Si w tcheke rapò kredi ou sa kapab ede ou.

Al gad kaz Imajine Ou se Viktim Vòl Idantite? annapre nan gid sa a.

- Tcheke depi kilè ou gen dèt la.** Si **règleman limit** sou dèt la espire, ajan koleksyon an dwe divilge enfòmasyon sa yo ba ou, ansanm avèk enfòmasyon sou dwa legal ou. Règleman limit yo se peryòd tan yon kreyansye oswa yon ajan rekouvreman kapab trennen ou lajistis pou touche lajan dèt la.

Si règleman limit lan espire, dapre lalwa, ajan rekouvreman an dwe ajoute nan lèt rekouvreman an deklarasyon sa a nan omwen 12 pwen epi nan yon koulè ki diferan ak lòt tèks la:

“LALWA FÈ NOU OBLIGASYON POU BA OU ENFÒMASYON SA YO SOU DÈT SA A. Limit tan legal (règleman limit yo) pou trennen ou lajistis pou touche lajan dèt la espire. Men, si yon moun trennen ou lajistis nan nenpòt fason pou eseye fè ou peye dèt sa a, règ tribinal la EGZIJE OU pou fè tribinal la konnen règleman limit yo espire pou anpeche kreyansye a jwenn yon jijman. Menmsi règleman limit yo espire, ou ka CHWAZI pou fè peman yo. Men, SONJE: si ou fè yon peman, dwa kreyansye a pou trennen ou lajistis pou fè ou peye tout dèt la ka KÒMANSE ANKÒ.”

Anjeneral, règleman limit yo se sizan sou dèt kat kredi. Ou ka vle pale avèk yon avoka si ou gen kesyon oswa enkyetid konsènan règleman limit yo.

- Si ou anboche yon avoka**, ekri ajans rekouvreman dèt la avèk non avoka a ak enfòmasyon pou kontakte avoka a. Depi ajans rekouvreman dèt la konnen ou gen yon avoka, ajans la pa ka kontakte ou dirèkteman, men li dwe kontakte avoka ou sèlman.
- Konsève yon kopi—devan ak dèyè—tout lèt ajans rekouvreman dèt la voye ba ou oswa lèt ou voye ba li.** Ou ta dwe pran nòt tou nan nenpòt konvèsasyon nan telefòn ou fè avèk ajan rekouvreman dèt yo, tankou dat, non moun ou pale avèk li, ak detay apèl la.
- Sonje pou bay ajans rekouvreman dèt la enfòmasyon tankou imèl ou oswa nimewo telefòn selilè yo—ajans rekouvreman ap itilize yo. Epitou sonje pou bay Nimewo Sekirite Sosyal ou.

Li Ilegal pou Fè Fo Reklamasyon ak Asèlman.

Yon ajans rekouvreman dèt pa ka fè fo deklarasyon, tankou:

- reklamasyon ki endike li reprezante yon ajans gouvènman, tankou yon marechal, cherif oswa Biwo Powokirè Distri
- menase l ap fè arete ou
- menase l ap rapòte ou ba otorite imigrasyon
- fè konnen ou fè yon krim
- menase l ap fè yo degèpi ou, pran oswa sezi salè ou, pran lajan nan kont labank ou, oswa pran zafè pèsònèl ou san li pa jwenn yon jijman kont ou anvan nan tribinal.

Yon ajans rekouvreman dèt pa ka:

- angaje nan zak vyolans, menas pou fè vyolans, oswa langaj gwosye
- fè konnen lajan ou dwe a pi plis pase sa li ye a
- fè konnen ou gen dèt lè ou pa dwe ditou
- fè konnen li ka trennen ou lajistis si règleman limit yo espire

- rele ou anvan 8 AM oswa apre 9 PM oswa plis pase de fwa pa semèn si ajan rekouvreman an te pran kontak avèk ou
- fè reklam pou yon dèt oswa devwale dèt la ba nenpòt moun, tankou manm fanmi ou oswa vwazen ou
- kontakte travay ou, fanmi ou, zanmi ou, ak vwazen ou pou nenpòt rezon ki diferan ak chèche kote ou ye. *Ajan rekouvreman yo pa kapab diskite sou prezime dèt avèk moun ki pa ou.*

Si yon ajans rekouvreman dèt pa gen lisans, si li pa ba ou enfòmasyon lalwa egzije pou li ba ou, oswa si li menase ou oswa fè asèlman sou ou ilegalman, rele 311 oswa ale nan sit wèb nyc.gov/dca pou pote plen nan DCA. Sonje pou sere nòt apèl telefonik yo, tankou dat, lè ak non moun ki te rele ou, epitou voye tout dokiman ki sipòte plent ou ba DCA.

Diskisyon sou Dèt: Sa pou fè si yon ajans rekouvreman dèt voye ba ou enfòmasyon sou dèt orijinal la ki pa kòrèk

Voye yon lèt ba ajans rekouvreman dèt la nan 30 jou ki vini apre ou fin resevwa validasyon an—apèl nan telefòn pa ase pou konfime enfòmasyon ki sou dèt la pa kòrèk. Pa egzanp, fè ajan rekouvreman an konnen kantite lajan ou dwe a pa kòrèk pase li pa gen ladan peman ou te fè yo. Ajoute nan lèt la kopi nenpòt prèv ki endike enfòmasyon ajan rekouvreman an pa kòrèk.

Ou kapab anpeche ajan rekouvreman an kontakte ou tou pandan lè w ap diskite sou dèt la depi ou voye yon lèt sispansyon rekouvreman ba li. Senpleman ekri:

M ap diskite sou dèt sa a. Tanpri sispann tout lòt komunikasyon an rapò ak zafè sa a. Si ou te deja rapòte dèt sa a nan ajans rapòtaj kredi, tanpri kontakte yo pou rapò dèt sa a sou diskisyon epi mande yo pou yo efase dèt sa a nan rapò kredi mwen. Nenpòt lòt komini kasyon ki depase sa ki akseptab legalman ap reprezante yon vyolas yon lalwa.

Nan lèt sispansyon rekouvreman an, ou ta dwe endike nenpòt taktik abizif anplwaye ajan rekouvreman an te itilize avèk ou.

Voye lèt sispansyon rekouvreman an ba ajans rekouvreman a ak ba kreyansye orijinal la nan kourye sètifye, avèk demann pou resevwa resi lè yo resevwa li, ansanm avèk kopi nenpòt dokiman ki sipòte konfli ou. Konsève yon kopi lèt la pou dosye ou.

Aprè yon ajans rekouvremman fin resevwa yon lèt sispansyon rekouvremman, li gen otorizasyon sèlman pou kontakte ou nan sikonstans limite, tankou pou fè ou konnen nenpòt mezi legal ajans lan gen entansyon pran, oswa pou reponn nenpòt lòt kominikasyon ou te voye ba li.

Sonje yon ajans rekouvremman ka trennen ou lajistis apre li fin resevwa yon lèt sispansyon rekouvremman.

Si yon ajans rekouvremman dèt kontinye ap kominike avèk ou oswa si li kontinye ap fè asèlman sou ou apre ou fin voye yon lèt sispansyon rekouvremman ba li, fè ajans lan konnen li vyole lalwa epi rele 311 oswa ale nan sit wèb nyc.gov/dca pou pote yon plent nan DCA. Ou ka anmezi pou pran mezi legal tou kont yon ajan rekouvremman ki pèsiste nan eseye touche lajan. Pou nenpòt dosye legal, sonje pou note kontak ou avèk ajan rekouvremman an.

Imajine Ou se Viktim Vòl Idantite?

Si yon ajan rekouvremman dèt kontakte ou konsènan dèt ou pa kwè ou dwe, men etap pou swiv pou sa:

1. Tcheke rapò kredi ou. Ou gen dwa pou jwenn yon rapò kredi gratis chak ane nan twa (3) ajans rapò kredi prensipal yo. Pou jwenn rapò kredi gratis, ale nan sit wèb www.annualcreditreport.com oswa rele 1-877-322-8228. Pou jwenn konsèy pou prevansyon vòl idantite, ale nan sit wèb nyc.gov/dca oswa rele 311.
2. Fè yon rapò lapolis nan sikonskripsyon lokal ou.
3. Diskite sou dèt la alekri (jan sa dekri anwo a) nan 30 jou epi voye yon kopi rapò lapolis ou ak yon kopi Deklarasyon sou Sèman pou Vòl Idantite Federal Trade Commission (FTC) ou ranpli (li disponib anliy nan sit wèb www.ftc.gov/idtheft) ba ajans rekouvremman dèt la. Ajans rekouvremman an dwe revize dokiman ou yo epi ou li dwe voye ba yon desizyon ekri ki endike si ajans lan kwè oswa pa kwè ou pa dwe lajan an. Jouk lè ajans rekouvremman dèt la detèmine fòmèlman li kwè ou toujou dwe lajan an, li dwe sispann eseye fè ou peye dèt la.

Nòt:

Dapre lalwa, si ajans rekouvremman dèt la detèmine reklamasyon vòl idantite ou valab, li dwe:

- Di ajans rapòtaj kredi yo konnen pou yo efase dèt la nan rapò kredi ou (Si ajans rekouvremman an te rapòte dèt la).
- Notifye kreyansye orijinal la li te sispann tantativ rekouvremman ki baze sou rapò vòl idantite ou.

Ou Jwenn yon Enfòmasyon ki pa Kòrèk nan Rapò Kredi ou?

Dapre Lwa Federal sou Rapòtaj Kredi San Paspouki, ou gen dwa pou diskite sou enfòmasyon ki pa kòrèk nan rapò kredi ou. Swiv lis sa a:

- Voye yon lèt ba ajans rapòtaj kredi a. Ajoute non ou, adrès ou, dat ou fè, ak Nimewo Sekirite Sosyal ou pou ajans lan kapab idantite ou.
- Idantifye dèt espesifik w ap diskite sou li a, eksplike an detay pou kisa enfòmasyon yo pa kòrèk, epitou mande pou yo chanje oswa pou retire dèt la. Ajoute kopi nenpòt dokiman ki sipòte pozisyon ou.
- Voye lèt konfli a nan kourye sètifye, avèk demann pou jwenn resi lè yo resevwa li. Voye yon kopi lèt la ba sous enfòmasyon ajans rapòtaj kredi a—se kapab yon ajans rapòtaj kredi oswa kreyansye orijinal la, epitou li ta dwe endike nan rapò kredi ou. Konsève kopi tout lèt ou voye yo.

Nan pifò ka yo, ajans rapòtaj kredi a gen obligasyon pou mennen ankèt sou konfli a epitou pou li ba ou rezilta yo alekri, ak kopi gratis dènye rapò kredi ou. Pou jwenn plis enfòmasyon sou enfòmasyon ki an konfli nan rapò kredi ou, ale sou sit wèb FTC nan **www.ftc.gov**.

Peman Dèt la: Si dèt la valab

Revize finans ou epi detèmine kapasite ou pou ranbouse dèt la. Sonje si ou pa ranbouse dèt yo sa kapab lakòz ou gen yon move istwa kredi epitou sa ap fè li difisil pou jwenn kredi.

Si ou pa kapab ranbouse dèt la touswit, montre ou onèt avèk ajan rekouvremman an. Ou ka anmezi pou negosye yon pi piti kantite lajan. Genyen yon chans tou pou ajan rekouvremman travay sou yon plan pe man avèk ou.

Konsèy lè w ap negosye avèk kreyansye yo ak ajans rekouvremman dèt yo

Menm jan avèk nenpòt negosyasyon, li enpòtan pou prepare ou. DCA ofri lis sa yo pou ede ou avèk preparasyon ou yo.

Anvan negosyasyon an:

- Konnen sa ou vle nan negosyasyon an pou ou kapab reyalize objektif ou.

- Rasanble tout dokiman enpòtan yo.
- Konnen dwa ak responsablite ou yo anba lalwa.
- Chèche jwenn lòt èd (pa egzanp, moun pou sipòte ou, konseye, avoka, entèprèt) pou negosyasyon an.

Pandan negosyasyon an:

- Koute.
- Poze kesyon ki pa kapab reponn avèk yon senp “Wi” oswa “Non.” Lè ou poze kesyon nan fason sa a, w ap gen yon vrè diskisyon.
- Pa pè mete yon pwen final nan negosyasyon an si ou santi ou anba presyon pou aksepte yon bagay ki pa sanble bon pou ou.
- Chèche jwenn akò ou avèk kreyansye a oswa ajans rekouvremant dèt la alekri.

Lòt sa pou Fè ak pou Pa Fè:

- Montre ou onèt. Pa di ajan rekouvremant dèt la ou kapab ranbouse dèt la lè ou pa kapab, oswa ou pa kapab peye dèt la lè ou kapab peye li vrèman.
- Peye dèt “garanti” ou yo anvan. Dèt garanti se dèt ki finansè avèk pwopriyete, tankou yon kay oswa yon vwati. Men, pa fè tankou ou pa konnen lòt dèt ki pa garanti ou yo. Fè tout efò pou ranbouse yo san pèdi tan.
- Pa kite yon ajan rekouvremant dèt ankouraje ou prete lajan nan men yon zanmi oswa yon manm fanmi pou ranbouse yon dèt. Pa janm kite yon ajan rekouvremant dèt pale avèk ou pou mande ou pou fè lòt dèt.

Si ou jwenn yon akò oswa si ou deside sou yon plan peman avèk yon ajans rekouvremant dèt, **dapre lalwa, ajans rekouvremant dèt la dwe voye konfimasyon akò a oswa plan an alekri ba ou nan senk (5) jou ouvab.** Konfimasyon ki ekri a dwe:

- endike non kreyansye orijinal la
- endike non ajans rekouvremant dèt la
- endike non anplwaye ki te negosye akò a oswa plan peman an OSWA sipèvizè anplwaye a
- gen ladan non ou ak adrès ou
- idantifye dat lè yo te fè akò a oswa plan peman an
- endike kantite lajan espesifik ak dat ou dwe fè chak peman
- idantifye adrès kote ou ta dwe voye peman yo pa lapòs oswa lòt kote
- espesifye nenpòt modalite

Si ou dwe plizyè kreyansye, ajans rekouvremant dèt la dwe endike ap:

- dèt ou dwe pou chak kreyansye orijinal
- kantite lajan ou dwe peye sou chak dèt
- fason peman yo ap aplike

Nasire konfirmasyon ekri a gen ladan sèlman kondisyon ou te aksepte yo. Konsève konfirmasyon ekri a pou dosye ou.

Nan 21 jou almannak ki vini apre ou fin resevwa peman final ou anba akò a oswa plan peman an, ajans rekouvreman dèt la dwe konfime alekri dèt la peye okonplè, epitou li dwe idantifye kreyansye orijinal la ak nimewo kont lan.

Si ou pa resevwa konfirmasyon ekri ki sòti nan ajans rekouvreman dèt la, oswa si korespondans lan pa montre sa ou kwè ou te aksepte a, fè ajans rekouvreman dèt la konnen sa imedyatman. Ou kapab rele 311 tou oswa ale nan sit wèb nyc.gov/dca pou pote plent ba DCA.

Deklarasyon Fayit

Ou gen yon dwa legal pou deklare fayit, men ou ta dwe reflechi seryezman sou sa ak egzamine lòt posiblite anvan. Dapre lalwa, si ou anvizaje deklare fayit, ou dwe pran konsèy sou fayit nan biwo yon pwofesyonèl kalifye pou konnen tout bagay sou posiblite ou yo. Pou jwenn yon konsèy nan zafè fayit ki apwouve, kontakte U.S. Department of Justice, U.S. Trustee Program nan nimewo 1-202-514-4100, oswa jwenn Enfòmasyon sou Konsèy nan zafè Kredi ak Edikasyon sou Debitè anliy nan sit wèb www.usdoj.gov/ust/eo/bapcpa/ccde.

Fason pou Pran Kontwòl Dèt Ou

Dèt ba ou estrès? Ou pa poukont ou. Biwo Dwa Finansye DCA (OFE) kapab ede ou pran kontwòl.

Rele 311 (212-NEW-YORK deyò Vil Nouyòk) oswa ale nan sit wèb nyc.gov/ofe pou jwenn yon Sant Dwa Finansye toupre ou. Sant Dwa Finansye anboche konsèy pwofesyonèl pou ofri konsèy finansye endividyèl gratis, nan lang Angle ak Panyòl, anpèsòn oswa nan telefòn. Ou kapab jwenn rekòmandasyon tou nan òganizasyon ki nan Rezo Edikasyon Finansye Vil la ki ofri klas edikasyon finansye gratis oswa pou yon ti frè, sesyon enfòmasyon, ak sèvis konsèy endividyèl toupatou nan Nouyòk. Anliy, ou kapab chèche yon anyè Rezo Edikasyon Finansye selon sijè, minisipalite, lang, ak founisè. Sit wèb OFE ofri tou resous ekstansif pou ede ou jwenn lajan, kontwole lajan ou, ekonomize lajan ou ak pwoteje lajan ou.

Pran Prekosyon ou avèk Mèt dam nan Èd pou Dèt

Anpil konpayi voye òf pou ede ou rezoud tout pwoblèm dèt ou rapid pou yon ti frè.

Sa sonnen tankou yon bon òf, pa vrè?

SE PA VRÈ. Malerezman, si yon òf sanble twò bon pou vrè, anjeneral li pa bon. Anpil konpayi ki pwomèt y ap ede ou avèk pwoblèm dèt ap lakòz ou gen plis chagren alontèm. Aprann kijan pou rekonèt si yon fwod.

Siy ki endike yon konpayi “èd pou dèt” ap eseye “fè mèt dam” sou ou:

Li pwomèt pou elimine tout dèt ou. Dèt pa disparèt konsa, sof si ou ranbouse li. Si yon konpayi ki di li ka retire ou nan dèt sèke l ap eseye woule w.

Li ankouraje ou pou pran yon nouvo prè san li pa revize sitiyasyon finansye ou. Nenpòt enstitisyon prè kalifye ap bezwen evalye mwayen ou pou ranbouse yon prè anvan li ofri ou lajan.

Li mande pou peye gwo frè sèvis pa mwa. Si ou deja ap debat avèk peman dèt ou, ou pa ta dwe ajoute nan depans ou lè ou peye yon moun pou kontwole dèt ou kapab ranbouse poukont li oswa nan tèt ansanm avèk yon konseye kredi gratis oswa pou yon ti frè.

Li mande ou pou sispann fè peman oswa pou li kontakte enstitisyon ou dwe lajan yo.

Souvan, enstitisyon prè yo vle travay sou yon plan ranbousman avèk ou. Si konpayi an mande ou pou li kontakte enstitisyon prè ou yo, li ta ka jwenn enfòmasyon ki enpòtan. Si ou sispann fè peman yo, ou ka domaje kredi ou epi redui volonte enstitisyon prè ou pou negosye avèk ou.

Li mande ou pou siyen fòm vid oswa pou siyen sou posesyon pwopriyete ou. PA JANM siyen dokiman ki vid. PA JANM siyen akò ou pa konprann. Sonje: Si konpayi an pa vle eksplike ou dokiman an oswa si li pa vle reponn kesyon ou yo, pa fè biznis avèk yo.

Si yon Ajan Rekouvreman Dèt Trennen Ou Lajistis

Pa fè tankou ou pa konnen asiyasyon pou konparèt la. Konsilte yon avoka, oswa si ou pa gen mwayen pou pran youn, ale kote grefye tribinal la epi reponn asiyasyon pou konparèt la poukont ou. Si ou meprize asiyasyon pou konparèt la, kreyansye a kapab jwenn yon desizyon tribinal la—ki rele yon jijman-pa-defo—pou egzije ou peye lajan ki ka gen ladan frè ak enterè anplis dèt la poukont li. Si yon kreyansye jwenn yon jijman kont ou, kreyansye a ka anmezi pou pran lajan jan salè ou pou peye dèt la. **Kaz Tribinal Sivil Vil Nouyòk** (anba la a) gen ladan enfòmasyon enpòtan.

Tribinal Sivil Vil Nouyòk

Adrès ak Orè yo: 1-646-386-5700

Jwenn enfòmasyon itil anpèsòn nan sal palè-jistis la lan oswa sou sit wèb la: www.courts.state.ny.us/courts/nyc/civil/index.shtml

Reprezante tèt ou nan tribinal:

www.courts.state.ny.us/courts/nyc/civil/represent.shtml

Jwenn asistans legal:

www.nycourts.gov/courts/nyc/civil/legalassistance.shtml

Enfòmasyon Enpòtan konsènan Lajan yo Pa Kapab Pran pou Peye Jijman

Dapre lalwa leta ak lalwa federal, kreyansye yo **pa janm ka** pran sèten lajan pou satisfè jijman yo. Lajan sa a konsidere kòm “lajan ki egzante.” Ou ka chwazi pou itilize lajan egzante a pou peye yon dèt ou genyen, men yon kreyansye pa kapab bloke oswa fòse pran lajan nan men ou oswa nan kont labank ou pou ranbouse yon dèt.

Pami lajan ki egzante yo, genyen:

- Revni Sekirite Anplis (SSI)
- Pansyon Sekirite Sosyal
- Sekirite Sosyal pou moun ki Andikape (SSD)
- Asistans piblik (Asistans Tanporè pou Fanmi ki nan Nesesite, TANF)
- Revni ou reyalize pandan w ap resevwa SSI oswa asistans piblik
- Benefis pou andikap
- Benefis konpansasyon

- Benefis veteran
- Benefis pou maladi poumon nwa
- Sipò madanm/mari, antretyen (pansyon alimentè), oswa sipò timoun
- Retrèt chemennfè
- Benefis chomaj

Nòt:

Dapre Lwa 2008 pou Pwoteksyon Revni Egzante, bank ou pa janm ka pran oswa bloke premye \$2,640 ki sou kont labank ou oswa sou kont sendika ou pou peye yon jijman, kit kont ou gen lajan egzante kit li pa genyen.

Pou jwenn plis enfòmasyon sou lajan egzante, ak kote pou ale lè ou bezwen èd, ale nan sit wèb **nyc.gov/dca** epi telechaje *Debt Collection: Money Judgments and Frozen Bank Accounts, Information for Consumers*. (Rekouvremant Dèt: Jijman Lajan ak Kont Labank Bloke, Enfòmasyon pou Konsomatè yo).

Fason pou Rezoud Plent yo

Si w ap viv nan youn nan senk (5) minisipalite Vil Nouyòk, oswa si ou t ap viv nan vil la nan moman yon ajans rekouvremant dèt te kontakte ou, ou kapab pote plent kont ajans rekouvremant dèt la nan DCA. Pou pote plent nan DCA, rele 311 oswa ale nan sit wèb **nyc.gov/dca**.

Si w ap viv deyò Vil Nouyòk, ou kapab pote plent ba ajans pwoteksyon konsomatè lokal ou ak/oswa ba FTC. Pou pote yon plent federal oswa pou jwenn enfòmasyon gratis nan FTC sou pwoblèm konsomatè, rele 1-877-FTC-HELP (1-877-382-4357) gratis, oswa ale nan sit wèb **www.ftc.gov**.



Bill de Blasio
Mayor

Consumer Affairs

Lorelei Salas
Commissioner

Depatman Afè Konsomatè NYC (DCA) pwoteje epi amelyore lavi ekonomik toulejou Nouyòkè pou kreye kominote kap devlope. Pou jwenn lòt enfòmasyon sou Depatman an, ale nan sit wèb nyc.gov/dca.

Si ou gen yon plent ki asosye ak kliyan, rele DCA nan 311 oswa (212) NEW-YORK.

Anplwaye Minisipalite Vil Nouyòk pa gen pèmision pou mande oswa pou aksepte anyen ki gen valè, tankou lajan, kado, oswa poubwa pou fè djòb yo. Pou rapòte koripsyon, kontakte Depatman Ankèt Vil Nouyòk nan sit wèb www.nyc.gov/doi.



Enprime sou 30% papye resikle ki sèvi deja

02/2018